

ք.Երևան

2022-11-01

ՀՀ «Կադաստրի կոմիտե»-ն, այսուհետ՝ «Բաժանորդ» ի դեմս գլխավոր քարտուղար Մհեր Խաչատրյանի, որը գործում է ընկերության կանոնադրության հիման վրա, մի կողմից և «ՍՕՍ ՄԻՍԹԵՄՍ» ՍՊԸ-ն, այսուհետ՝ «Օպերատոր», ի դեմս գլխավոր տնօրեն Վահագն Ծատուրյանի, որը գործում է ընկերության կանոնադրության հիման վրա, այսուհետ՝ Օպերատոր, մյուս կողմից, (միասին հիշատակվելու դեպքում, նաև՝ Կողմեր), հիմք ընդունելով իրենց փոխադարձ համաձայնությունը և ղեկավարվելով ՀՀ օրենսդրությամբ, կնքեցին սույն պայմանագիրը (այսուհետ՝ Պայմանագիր) հետևյալի մասին.

## 1. ՊԱՅՄԱՆԱԳՐՈՒՄ ՕԳՏԱԳՈՐԾՎՈՂ ՀԻՄՆԱԿԱՆ ՀԱՍԿԱՑՈՒԹՅՈՒՆՆԵՐԸ

1.1. Նախարարություն - Հայաստանի Հանրապետության արտակարգ իրավիճակների նախարարություն:

1.2. Օպերատոր - «ՍՕՍ ՄԻՍԹԵՄՍ» սահմանափակ պատասխանատվությամբ ընկերություն:

1.3. Հսկման Համալիր Համակարգ այսուհետ՝ ՀՀՀ - ապարատա-ծրագրային միջոցների հավաքածու, բաղկացած Հերթապահ-դիսպետչերական կենտրոն համակարգից, այսուհետ՝ ՀԴԿ, Ներօբյեկտային հրդեհի տագնապի ազդանշանի փոխանցման ինքնաշխատ սարքից այսուհետ՝ Ներօբյեկտային սարք:

1.4. Հերթապահ-դիսպետչերական կենտրոն՝ ՀԴԿ - բաղկացած է վահանակային կայանից, ալեհավաքա-ֆիդերային սարքավորումներից, օպերատորի և ադմինիստրատորի աշխատանքային տեղի հավաքածուից:

1.5. ՀԴԿ հեռախոսահամար - ՀԴԿ-ին միացված հեռախոսահամար, որին փոխանցվում է ներօբյեկտային հրդեհի տագնապի ազդանշանի մասին հաղորդագրությունը:

1.6. Ներօբյեկտային տագնապի ազդարարման ինքնաշխատ համակարգ այսուհետ՝ Ներօբյեկտային համակարգ - օբյեկտում գոյություն ունեցող տագնապի ազդարարման ինքնաշխատ համակարգ:

1.7. Ներօբյեկտային հրդեհի տագնապի ազդանշանի փոխանցման ինքնաշխատ սարք այսուհետ՝ Ներօբյեկտային սարք - նոր տեղադրվող կամ օբյեկտում գոյություն ունեցող տագնապի ազդարարման ինքնաշխատ համակարգին համակցվող սարք՝ նախատեսված օբյեկտում գոյություն ունեցող տագնապի ազդարարման ինքնաշխատ համակարգից հրդեհի տագնապի ազդանշանը ռադիոկապուղով, Internet/Ethernet/GSM/GPRS/ հեռախոսային ֆիքսված ցանցերով կամ կապի այլ միջոցներով Նախարարության ՀԴԿ փոխանցման համար: Ներօբյեկտային սարքը մոնտաժվում է Օբյեկտում հրդեհի բռնկման վերաբերյալ առավել արագ ազդանշան ստանալու և համապատասխան մարմինների կողմից հրդեհաշիջում կատարելու նպատակով:

1.8. Բաժանորդ - սույն պայմանագրի կողմ հանդիսացող ֆիզիկական կամ իրավաբանական անձ:

1.9. Օբյեկտ - շինություն կամ ցանկացած օբյեկտ, որում տեղադրված է Ներօբյեկտային համակարգ, և որին համակցվելու է Ներօբյեկտային սարքը:

1.10. Աշխատանքներ- անհրաժեշտության դեպքում Օպերատորի կողմից Ներօբյեկտային սարքի մատակարարման, ինչպես նաև մոնտաժման, Լոկալ ցանցին միացման և գործարկման աշխատանքներ:

1.11. Բաժանորդային վարձ - Օպերատորի կողմից Բաժանորդին մատուցվող ծառայության



դիմաց **Բաժանորդի** կողմից վճարվող ամսական վարձավճար:

1.12. Լոկալ ցանց - ռադիոկապուղի, Internet/Ethernet/GSM/GPRS/ հեռախոսային ֆիքսված կամ կապի այլ ցանցեր, որոնցով տազնապի ազդարարման ինքնաշխատ համակարգից հրդեհի տազնապի ազդանշանը փոխանցվելու է **Նախարարության ՀԴԿ**:

1.13. **Հաշվետու ժամանակահատված** - օրացուցային ամիս:

1.14. **Մոնիթորինգ** - Օբյեկտում տեղադրված Ներօբյեկտային համակարգի տվիչների կողմից հրդեհի տազնապի ազդանշանների շուրջօրյա հսկում:

1.15. **Տեխնիկական սպասարկում** - ՀՀՀ-ի անխափան աշխատանքի ապահովում:

1.16. **Ծառայություն** - Օպերատորի կողմից ՀՀՀ-ի տեխնիկական սպասարկման և մոնիթորինգի ծառայությունների մատուցում:

1.17. **Տեխնիկական պայմաններ** – Օբյեկտում Ներօբյեկտային համակարգի առկայություն, որը պետք է համալրված լինի հետևյալ կապուղիներից որևէ մեկով՝ Contact ID, GSM, CSData, քաղաքային հեռախոսագիծ:

1.18. **Ընդհանուր պայմաններ** – Սույն Պայմանագրով նախատեսված Աշխատանքների կատարման և Ծառայությունների մատուցման ընդհանուր դրույթներ և պայմաններ, որոնք հրապարակված են [www.sossystems.am](http://www.sossystems.am) կայք-էջում:

1.19. **Վճար**- Բաժանորդի կողմից Օպերատորին սույն պայմանագրի շրջանակներում կատարված Աշխատանքների և մոնտաժված Ներօբյեկտային սարքի համար նախատեսված վճար:

## 2. ՊԱՅՄԱՆԱԳՐԻ ԱՌԱՐԿԱՆ

2.1. Սույն Պայմանագրով Օպերատորը պարտավորվում է Բաժանորդի Օբյեկտում (Օբյեկտի գտնվելու վայրի հասցեն՝ ՀՀ, ք. Երևան, Միկոյան 7, կարգը՝ պետական մարմին ) առկա Ներօբյեկտային համակարգը համակցել ՀԴԿ-ին և գործարկել այն, ինչպես նաև Բաժանորդին մատուցել Ծառայություններ, որի դիմաց վերջինս Օպերատորին վճարում է Բաժանորդային վարձ՝ Պայմանագրի 3-րդ բաժնով սահմանված չափով, կարգով ու ժամկետներում:

2.2. Բաժանորդը երաշխավորում է, որ Ներօբյեկտային համակարգը համապատասխանում է Ընդհանուր պայմաններին: Օբյեկտի նշանակությունը կամ կարգը փոփոխվելու դեպքում Բաժանորդը պարտավորվում է միջոցներ ձեռնարկել Ներօբյեկտային համակարգը Օբյեկտի նոր նշանակությանը և կարգին համապատասխան Ներօբյեկտային համակարգը Ընդհանուր պայմաններին համապատասխանեցնելու նպատակով:

2.3. Սույն Պայմանագրով նախատեսված Ծառայությունների մատուցումը Բաժանորդի նախաձեռնությամբ կարող է կասեցվել առավելագույնը 12 (տասներկու) անընդմեջ ամիս ժամկետով:

## 3. ՎՃԱՐՄԱՆ ՉԱՓԸ, ԿԱՐԳՆ ՈՒ ԺԱՄԿԵՏՆԵՐԸ

3.1. Օպերատորի կողմից կատարված Աշխատանքների Վճարի չափը սահմանվում է սույն Պայմանագրի Հավելված 1-ով:

3.2. Բաժանորդը Օպերատորի կողմից Ծառայության մատուցման դիմաց վերջինիս վճարում է Բաժանորդային վարձ՝ ամսական 5400 (հինգ հազար չորս հարյուր ) ՀՀ դրամի չափով՝ ներառյալ ԱԱՀ:

3.3. Պայմանագրի 3.2. կետում նախատեսված Բաժանորդային վարձը Բաժանորդը Օպերատորին վճարում է յուրաքանչյուր ամիս՝ մինչև տվյալ ամսվան հաջորդող ամսվա տասնհինգերորդ աշխատանքային օրը: Յուրաքանչյուր ամսվա ավարտից հետո տաս օրվա ընթացքում Օպերատորը e-Invoicing ծրագրի միջոցով դուրս է գրվում հարկային հաշիվ/հաշիվ



վավերագիր: Հարկային հաշվի/հաշիվ վավերագրի դուրս գրման օրից 5 (հինգ) աշխատանքային օրվա ընթացքում Բաժանորդը պարտավոր է ուսումնասիրել հաշիվը և առարկությունների առկայության դեպքում ներկայացնել դրանք գրավոր կարգով: Առարկություններ չներկայացնելու դեպքում տվյալ հարկային հաշիվը/հաշիվ վավերագիրը համարվում է Բաժանորդի կողմից ընդունված:

3.4. Պայմանագրի 3-րդ բաժնով սահմանված վճարումները Բաժանորդը պարտավորվում է փոխանցել Օպերատորի բանկային հաշվին:

3.5. Այն դեպքերում, երբ Բաժանորդը չի ստանում Ծառայություն իրենից կախված պատճառներով և այդ պատճառների կամ հանգամանքների մասին գրավոր չի տեղեկացնում Օպերատորին, ապա Բաժանորդը չի ազատվում ամսական Բաժանորդային վարձը վճարելու պարտավորությունից:

3.6. Այն դեպքերում, երբ Ծառայությունը չի մատուցվում Բաժանորդին Օպերատորի մեղքով, ապա Բաժանորդն ազատվում է Բաժանորդային վարձ վճարելու պարտավորությունից այն ամիսների համար, որոնց ընթացքում Ծառայությունը չի մատուցվել:

#### **4. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ**

##### **4.1. ԲԱԺԱՆՈՐԴՆ ԻՐԱՎՈՒՆՔ ՈՒՆԻ՝**

4.1.1. Ստուգել Օպերատորի կողմից Աշխատանքների կատարման ընթացքը՝ չխոչընդոտելով նրա գործունեությունը:

4.1.2. Պահանջել Ծառայության մատուցման ընթացքում Օպերատորի կողմից թույլ տրված թերությունների վերացում:

4.1.3. Մինչև աշխատանքի արդյունքն իրեն հանձնելը ցանկացած ժամանակ հրաժարվել պայմանագիրը կատարելուց՝ Օպերատորին վճարելով մինչև Պայմանագրից հրաժարվելու վերաբերյալ ծանուցում ստանալու պահը կատարված Աշխատանքի համարժեք գինը և սարքավորումների արժեքը:

4.1.4. Լուծել Ծառայությունների մատուցման պայմանագիրը, Օպերատորին այդ մասին ծանուցելով ոչ ուշ, քան 60 (վաթսուն) օր առաջ:

##### **4.2. ԲԱԺԱՆՈՐԴԸ ՊԱՐՏԱՎՈՐ Է՝**

4.2.1. Պայմանագրի 3-րդ բաժնով սահմանված չափով, կարգով ու ժամկետներում վճարել մատուցվող Ծառայությունների դիմաց սահմանված Բաժանորդային վարձը:

4.2.2. Պայմանագրով սահմանված կարգով ընդունել Օպերատորի կողմից կատարված Աշխատանքի արդյունքը:

4.2.3. Ապահովել Օպերատորի կողմից Օբյեկտ անարգել մուտքն ու ելքը:

4.2.4. Կատարել Օպերատորի կողմից Պայմանագրով սահմանված պարտավորությունների կատարման անհրաժեշտությամբ ծագած բոլոր բանավոր և գրավոր հրահանգները:

4.2.5. Օպերատորին տրամադրել.

- Օբյեկտի հատակագիծը, իսկ առկայության դեպքում նաև հատակագծի վրա Ներօբյեկտային համակարգի գծագրված տեղաբաշխման սխեման, Օբյեկտի մակերեսի, նշանակության և առանձնահատկությունների մասին տվյալներ,

- Հասցեային տվիչներ տեղադրված լինելու դեպքում, նշված տվիչների հասցեները,

- Ներօբյեկտային համակարգը ՀԴԿ-ին կամ Ներօբյեկտային սարքին համակցման համար անհրաժեշտ ելքերը (չոր կոնտակտ և այլն),

- Օբյեկտի հրշեջ ծորակների տեղաբաշխման, հրդեհաշիջման համակարգի և տարահանման սխեմաները,

- Առկայության դեպքում՝ Օբյեկտի բնութագիրը,

- Օբյեկտի հրդեհային անվտանգության պատասխանատու անձի կոնտակտային տվյալները,



• Համապատասխան տարածք՝ արտաքին ալեհավաքա-ֆիդերային սարքավորում տեղադրելու համար (անհրաժեշտության դեպքում):

4.2.6. Օպերատորին տրամադրել գործող Ներթոյեկտային համակարգ:

4.2.7. Ներթոյեկտային համակարգը և Ներթոյեկտային սարքը ապահովել անխափան սնուցման աղբյուրով:

4.2.8. Ապահովել Ներթոյեկտային համակարգի անխափան աշխատանքը, անսարքությունների դեպքում անհապաղ վերացնել դրանք:

4.2.9. Օպերատորի կողմից տրամադրված կապի միջոցներից (քարտեր և այլն) ոչ ՀԴԿ հեռախոսահամարին ուղարկված կարճ հաղորդագրությունների կամ զանգերի դեպքում Օպերատորին փոխհատուցել այդ հաղորդագրությունների և զանգերի արժեքը:

4.2.10. Օպերատորի կողմից տրամադրված GSM կամ ռադիոկապի ծառայությունները տրամադրող օպերատորի կապի միջոցներին՝ քարտերին կարճ հաղորդագրություններ կամ զանգեր ստանալու դեպքում փոխհատուցել այդ հաղորդագրությունների և զանգերի արժեքը:

4.2.11. Ժամանակին վճարել ՀԴԿ-ի համակցման համար անհրաժեշտ ֆիքսած հեռախոսագծի և/կամ այլ կապուղու համար սահմանված վճարները, եթե համակցումը իրականացվել է նշված կապուղիների միջոցով:

4.2.12. Ներթոյեկտային սարքը չքանդել, չվնասել, չձևափոխել կամ որևէ այլ փոփոխության չենթարկել՝ առանց Օպերատորի գրավոր համաձայնության:

4.2.13. Կատարել Օպերատորի կողմից սահմանված Տեխնիկական և Ընդհանուր պայմանները:

4.2.14. Ապահովել Ներթոյեկտային համակարգի ՀԴԿ-ին համակցման տեխնիկական հնարավորությունը, համաձայն Տեխնիկական և Ընդհանուր պայմանների:

#### 4.3. ՕՊԵՐԱՏՈՐՆ ԻՐԱՎՈՒՆՔ ՈՒՆԻ՝

4.3.1. Պայմանագրով սահմանված չափով, կարգով ու ժամկետներում պահանջել մատուցվող Ծառայության դիմաց սահմանված Բաժանորդային վարձը:

4.3.2. Մուտք գործել Օբյեկտ՝ Պայմանագրով սահմանված պարտավորությունների իրականացման համար:

4.3.3. Չհամակցել Ներթոյեկտային համակարգը ՀԴԿ-ին, եթե Բաժանորդի կողմից չեն պահպանվել Պայմանագրի 2.2. կետով նախատեսված պահանջները:

#### 4.4. ՕՊԵՐԱՏՈՐԸ ՊԱՐՏԱՎՈՐ Է՝

4.4.1. Աշխատանքները կատարել և Ծառայությունը մատուցել սույն Պայմանագրի դրույթներին համաձայն:

4.4.2. Բաժանորդի պահանջով վերացնել կատարված Աշխատանքների և մատուցվող Ծառայությունների թերությունները:

4.4.3. Իր կողմից մոնտաժված Ներթոյեկտային սարքի համար տրամադրել երաշխիք՝ երկու տարի ժամկետով: Հետերաշխիքային սպասարկումն իրականացվում է վճարովի հիմունքներով՝ կախված կատարվող աշխատանքի ծավալից և ինքնարժեքից:

4.4.4. Աշխատանքների կատարումն իրականացնել Բաժանորդ Պայմանագիրը կնքելու օրվանից 5 աշխատանքային օրվա ընթացքում:

4.4.5. Ապահովել ՀՀՀ-ի անխափան աշխատանքը:

4.4.6. Պայմանագրով սահմանված Ծառայությունը մատուցել շուրջօրյա:

4.4.7. Անհրաժեշտության դեպքում ապահովել ՀԴԿ-ին համակցման համար GSM կամ ռադիոկապի ծառայությունները տրամադրող օպերատորի կապի միջոցներով (քարտ և այլն), եթե համակցումը իրականացվել է կապի վերը նշված տարատեսակներով:

4.4.8. Բաժանորդի ցանկության դեպքում Կողմերի փոխադարձ համաձայնությամբ վերջինիս օգտագործման իրավունքով տրամադրել Ներթոյեկտային սարք:



5.1. Պայմանագրի 2.1. կետում նշված Աշխատանքների ավարտից հետո՝ երկու աշխատանքային օրվա ընթացքում Կողմերը կնքում են Աշխատանքների հանձնման-ընդունման ակտ:

5.2. Աշխատանքների հանձնման-ընդունման ակտը կնքելու օրվան հաջորդող օրացուցային օրը Օպերատորն սկսում է Բաժանորդին մատուցել ծառայություն:

## 6. ԺԱՄԿԵՏՆԵՐ

6.1. Ծառայությունների մատուցման սկիզբը հաշվարկվում է Պայմանագրի 5.2. կետով նախատեսված օրվանից:

6.2. Պայմանագիրը գործում է անժամկետ:

6.3. Կողմերից յուրաքանչյուրն իրավունք ունի ցանկացած պահի հրաժարվել Պայմանագրից և պահանջել Պայմանագրի վաղակետ լուծում՝ այդ մասին նախապես 60 (վաթսուն) օր առաջ մյուս Կողմին ծանուցելու պայմանով:

6.4. Պայմանագիրը վաղակետ լուծելու դեպքում Օպերատորը Բաժանորդին է վերադարձնում չմատուցված ծառայության համար վճարված գումարը, իսկ Բաժանորդը Օպերատորին վճարում է մինչև Պայմանագիրը դադարեցնելու պահը մատուցված ծառայության համար նախատեսված Բաժանորդային վարձը, ինչպես նաև իրեն օգտագործման իրավունքով տրամադրված Ներօբյեկտային սարքը:

## 7. ՖՈՐՍ ՄԱԺՈՐ

7.1. Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքացիական հուզումները, գործադուլները, էլեկտրասնուցման խափանումները և հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը:

7.2. Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես տեղյակ պահելով մյուս կողմին:

## 8. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

8.1. Պայմանագիրը չկատարելու կամ ոչ պատշաճ կատարելու համար Կողմերը պատասխանատվություն են կրում ՀՀ օրենսդրությամբ սահմանված կարգով:

8.2. Պայմանագրի 3-րդ բաժնով սահմանված չափով, կարգով ու ժամկետներում վճարումները չկատարելու կամ ոչ պատշաճ կատարելու դեպքում Բաժանորդը Օպերատորկետանցի յուրաքանչյուր օրվա համար վճարում է տույժ՝ չվճարված գումարի 0.5%-ի չափով:

8.3. Օպերատորը պատասխանատվություն չի կրում Ծառայությունները չմատուցելու կամ ոչ պատշաճ մատուցելու համար, եթե Բաժանորդը խախտել է Ընդհանուր պայմանները, Տեխնիկական պայմանները կամ որևէ այլ կերպ խոչընդոտել կամ անհնարին է դարձրել Օպերատորի կողմից Ծառայությունների մատուցումը, ինչպես նաև այն դեպքում, եթե Ներօբյեկտային հրդեհի տագնապի ազդանշանի փոխանցման սարքը ինքնաշխատ չէ և



ազդանշանի փոխանցումն իրականացվում է Բաժանորդի պատասխանատու անձի միջամտությամբ:

8.4. Ներօբյեկտային համակարգի անսարք լինելու հետևանքով տազնապի կեղծ ազդանշան առաջանալու դեպքում, եթե այդ ազդանշանների թիվը մեկ ամսվա ընթացքում գերազանցել է երկուսը և Նախարարությունը դրանց արձագանքել է հրշեջ մեքենաների առաքմամբ, ապա Բաժանորդը պարտավորվում է Օպերատորին վճարել տուգանք՝ երկու կեղծ ազդանշանին հաջորդած յուրաքանչյուր կեղծ ազդանշանի համար՝ 20000 (քսան հազար) ՀՀ դրամի չափով:

8.5. Օբյեկտի մակերեսի, նշանակության, առանձնահատկությունների մասին ոչ ճշգրիտ տեղեկություններ ներկայացնելու դեպքում այդ տեղեկությունների առաջացրած հետևանքները և ամբողջ ռիսկը կրում է Բաժանորդը:

## 9. ՎԵՃԵՐԻ ԼՈՒԾՄԱՆ ԿԱՐԳԸ

9.1. Պայմանագրի շուրջ ծագած վեճերը լուծվում են բանակցությունների միջոցով:

9.2. Բանակցությունների միջոցով համաձայնություն ձեռք չբերելու դեպքում, Կողմերի համաձայնությամբ վեճը կարող է հանձնվել արբիտրաժային դատարանի քննությանը:

9.3. Պայմանագրի 9.2. կետում նախատեսված համաձայնություն ձեռք չբերելու դեպքում վեճը հանձնվում է ՀՀ ընդհանուր իրավասության դատարանների քննությանը:

## 10. ԵԶՐԱՓԱԿԻՉ ԴՐՈՒՅԹՆԵՐ

10.1. Պայմանագիրն ուժի մեջ է մտնում Կողմերի ստորագրման պահից:

10.2. Պայմանագիրը շարադրված է հայերեն լեզվով, երկու հավասար իրավաբանական ուժ ունեցող օրիակներից՝ յուրաքանչյուր կողմին մեկական օրինակ:

10.3. Պայմանագրում փոփոխություններն ու լրացումները կատարվում են Կողմերի փոխադարձ համաձայնությամբ՝ լրացուցիչ համաձայնագիր (համաձայնագրեր) կնքելու միջոցով, որը կնքման պահից կցվում է Պայմանագրին և համարվում դրա անբաժանելի մասը:

10.4. Պայմանագրով նախատեսված բոլոր ծանուցումները պետք է ուղարկվեն էլեկտրոնային նամակով. հեռապատճենով կամ գրավոր նամակով՝ Պայմանագրում նշված հասցեներով:

## 11. ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ


### Բաժանորդ

### Օպերատոր

ՀՀ «Կադաստրի կոմիտե»  
Իրավաբանական հասցե՝ ՀՀ, ք. Երևան,  
Արշակունյաց 7  
Գործունեության հասցե՝ ՀՀ, ք. Երևան,  
Միկոյան 7  
ՀՎՀՀ՝ 02534328  
Հ/Հ՝ 900011030674  
ՀՀ ՖՆ Գործառնական վարչություն  
Գլխավոր քարտուղար  
/ Ս. Խաչատրյան /



«Սոս Միսթեմա» ՍՊԸ  
Իրավաբանական հասցե՝ ՀՀ, ք. Երևան,  
Ահարոնյան 2  
Գործունեության հասցե՝ ՀՀ, ք. Երևան,  
Ահարոնյան 2  
ՀՎՀՀ՝ 02605138  
Հ/Հ՝ 1930041816500100  
«Կոնվերս Բանկ» ՓԲԸ  
Գլխավոր տնօրեն՝  
/ Վ. Ծատուրյան /



Հավելված 1

2022-11-01

Կնքված թիվ ԱԻՆ2195 Պայմանագրի

ք.Երևան

2022-11-01

| Սարքավորումներ    |              |        |                         |                                               |
|-------------------|--------------|--------|-------------------------|-----------------------------------------------|
| Անվանումը         | Չափի միավորը | Քանակը | Միավորի գինը, առանց ԱԱՀ | Ընդամենը                                      |
| GSM-9N            | հատ          | 1      | 55000                   | 55000                                         |
| Աշխատանքներ       |              |        |                         |                                               |
| Համակցումը ՀԴԿ-ին | հատ          | 0      | 0.00                    | 0                                             |
|                   |              |        |                         | Ընդհանուր՝ 55000                              |
|                   |              |        |                         | ԱԱՀ %՝ 11000                                  |
|                   |              |        |                         | Ընդհանուր վճարմանը ենթակա գումար՝ 66000 դրամ. |

Օբյեկտի գտնվելու վայրի հասցեն՝  
ՀՀ, ք. Երևան, Միկոյան 7

### Կողմերի Ստորագրությունները

Բաժանորդ

ՀՀ «Կադաստրի կոմիտե»  
Գլխավոր քարտուղար  
/ Մ. Խաչատրյան /



Օպերատոր

«Սոս Միսթենա» ՍՊԸ  
Գլխավոր տնօրեն  
/ Վ. Ծատուրյան /

